

中國大運河歷史文獻集成

61

主編 王雲 李泉

國家圖書館出版社

第六十一册目錄

南河成案續編 卷九十一至卷一百六

兩河備覽

四六一

南河成案續編

卷之九十一 嘉慶十九年

桃汛工程平穩

臣百齡 黎世序跪

奏為桃汛水勢工程平穩恭摺具

奏仰祈

聖鑒事竊照河工每年自清明後起二十日為桃汛之期

本年南河自蕭礪至桃源黃河無水各工停修而全

黃匯注洪湖淮揚道所屬堰圩黃運河工程比往年

南河成案續編 卷之九十一 桃汛平穩 一 嘉慶十九年 三月 一 月

倍形喫重淮海常鎮各道屬有水各屬仍應防守今

查自閏二月十五日清明起至三月初六日止桃汛

期內洪湖陸續長水一尺高堰誌椿存水一丈三尺

清口以下黃河及裏揚等廳運河均陸續長水一尺

餘寸清口一帶挑成各引河子閘二月二十六日啟

放之後出水增暢旬日以來察看情形尚未加刷寬

深外河山海安阜裏河揚河揚糧等廳春修土埽工

程分別擇要廂築並籌備料土加意修守以禦大汛

裏河惠濟正閘拆造之後現備啟放以便漕行該閘

之工應做鉗口陞關兩壩間下應做束水壩及閘上

下各裏頭並兩岸綽堤分別廂做幫培添築以資聲

托而利緯挽堰圩揚河修砌石工均在趕辦勒限三

月內一律完工山圩各壩護埽自去冬至今節次風

暴間有掣動之處均隨時補廂堅整以資抵禦現在

各工一律平穩所有桃汛水勢工程情形謹合詞恭

摺由驛具

奏伏乞

皇上睿鑒謹

南河成案續編 卷之九十一 桃汛平穩 二 嘉慶十九年 三月 二 月

奏嘉慶十九年三月十一日由驛拜

進本月二十四日奉到

硃批另有旨欽此

再查重運漕船截至三月初八日已渡黃四十幫計

一千八百六十四隻淮揚運河及中河境內均一律

深通首進船三十幫截至三月初十日已挽上深流

閘二十三幫與吳墩等原

奏先用江境之水將首進大半挽至宿遷一帶章程業

已相符即應知會東河鋪水 臣黎世序于三月初六

日自浦起程來至皂河查本年水勢短絀幫船能就江境之水多走一日東境即可多留一日之水為將來之用現在江境河內尚可設法挽行東河鋪水即可稍緩數日不必拘定原

奏章程總以節蓄水勢為主連日督率道將廳營等將

首進在前漕船挽上利運關五幫行抵匯澤關下計

又往上多行一百餘里在後幫船次第挽行約計數

日之內首進幫船即可全上濼流關均至宿遷境內

一面咨會東河于三月望後鋪水接濟上行濼流關

南河成案續編卷之九十一 附奏漕船行走 嘉慶十九年 三三三 月

下地勢建瓴水勢易于直瀉現在添築束壩一道以

資挈托沙家口沂水發源于東境之蒙山 臣 等上年

委員前往會同府縣遍加疏濬頗資添助之益本年

仍派上次熟悉情形員弁前往會同該處府縣及東

省委員儘力疏導茲據該員等稟稱于上年疏出各

泉之外又挑出大小泉二十餘處頗為旺盛可以濟

助漕行理合附片

奏慰

聖懷謹

奏嘉慶十九年三月十一日附

進本月二十四日奉到

硃批另有旨欽此同日奉准

軍機大臣 字寄

協辦大學士兩江總督百 署江南河道總督黎

嘉慶十九年三月十六日奉

上諭百齡等奏桃汛水勢工程平穩一摺本年桃汛已過

湖河各工均各平穩惟此後伏秋大汛相繼而來水勢

日有加增堤堰各工防守更關緊要所有一切應行籌

南河成案續編卷之九十一 上諭 嘉慶十九年 三三三 月

辦事宜朕亦不能懸度惟在伊等相機籌畫盡心經理

總須未雨綢繆切勿因循觀望以致臨事周章如有不

得不需帑項之處亦當據實奏明趕緊辦理切不可靳

惜小費致妨大局今歲江境務保萬全為要又據另片

奏請船在邳宿運河行走情形漕運要務南河東河同

辦一事不應稍分畛域上年東河蓄水既短而李亨特

又迴護已見一味與南河爭執幾誤公事本年吳璣與

百齡黎世序和衷商辦不存此疆彼界之見閱前日吳

敬所奏伊惟恐幫船挽過匯澤關之後停留待水先行

鋪水遞放今日百齡等所奏因恐東境鋪水太遠不能存蓄飭令幫船往上多行一百餘里似此同心共濟大子公事有益總之伊等籌畫濟運一事功則同獎過則同罰該督等惟以因事為重自不存私見也將此傳諭百齡黎世序並諭吳墩知之欽此

南河成案續編

卷之九十一

上諭

嘉慶十九年三月

重運首幫漕船行出江境

臣百齡黎世序跪

奏為東境酌啟閘塘水勢下注重運先挽首幫出境恭摺

摺奏

聞仰祈

聖鑒事竊照本年重運因東境微湖無水臣等督同道將

廳營等竭力設法將首進幫船挽行就江境之水能

多走一日東河鋪水即少緩一日留為將來之用截

至三月初十日已將挽過匯澤利運際流各閘船隻

南河成案續編

卷之九十一

首幫漕船出境

嘉慶十九年三月

此

奏定章程又往上多行一百餘里于三月十一日附片

奏

聞在案茲自三月十一日後仍行設法次第挽行至

十七日首進船三十幫已全上潔流閘在前之首二

三四幫已挽上匯澤閘行抵河成閘下距東境臺莊

僅五十餘里必須東境鋪水下注方可上行等先

期知會東河臣吳墩巡視東漕臣李鴻賓訂期鋪水

臣等先將首二兩幫各船起剝並將利運匯澤各閘

下板茲于十八日東境將萬年閘以下塘水啟放黃林莊誌椿長水八寸連河內舊存底水有二尺餘寸臺莊以上各閘于十九日卯刻即行下板臣等亦只得趁此些微之水將首幫催償得行且行並下倒板擊托于三月二十日已出江南黃林莊境而來水旋見消落隨後幫船尚難跟接挽行查東境八閘內尚有得勝六里張莊三閘未經啟放即萬年閘以下各閘亦僅啟放半日現又飛咨東河再行啟板接濟臣等督率道將廳營及委員等隨時均板套塘提挽如

南河成案續編卷之九十一首幫漕船出境七嘉慶十九年三月

有不敷隨時咨會東境添放板水下注彼此熟商以期無悞漕行江境自閏二月以來疏濬沂河泉水由沙家口入運啟放柳園頭引駱馬湖水入運浮送首進船三十幫上行全資此兩處水力用去之水實已不少而柳園頭閘底較高出水無多現在東境雖已鋪水下注仍需節節添助查柳園頭迤上王家溝引駱馬湖水入運情形較暢現已盤做鉗束各橋一律啟放並于柳園頭迤下運河內添築束水壩一道以資擊托邳州舊城湖存水挑控引渠由安家閘入運

業已工竣即可啟放濟助利運閘一帶水勢但舊城湖水無多臣等又查得舊城湖西南一面即近黃河現在河內斷流而深塘積水甚多委員查勘由邳北廳屬宋家房地方刷開大堤盤做鉗口裏頭各壩抽挑引渠並于下游各低窪處所添築攔堰以免散漫即可將大河積水引入舊城湖遞行人運是以無用之水歸于有用本年運河滴水如金如有可以引導之處即應設法辦理臣等彼此札商意見相同現已估定委員趕辦刻日完工以備放水應用清江河口截至三月十六日已渡黃四十五幫二進在前船隻已行抵宿遷境內濼流閣下昨接巡視南漕臣陸泌來信蘇松幫船已于三月十二日全行渡江浙江幫船亦早晚可到江口湖北頭幫三月初九日已抵儀徵亦可跟接前進臣等惟有隨時設法竭力籌辦以期仰副我

南河成案續編卷之九十一首幫漕船出境八嘉慶十九年三月

皇上厘念漕運之至意江境徐揚一帶于三月十四五日得雨二三寸不等麥苗茂盛清江各處現經臣等捐設粥廠分派文武員弁彈壓雖人數眾多極為寧謐

現已時交夏令惟望此後雨澤沛行泉源山水並發
運河水勢即可充盈漕行暢速所有東境啟閘放水
重運首幫挽出江境日期謹合詞恭摺由

奏

聞伏乞

皇上睿鑒謹

奏嘉慶十九年三月二十日拜

進四月初一日奉到

殊批另有旨欽此

南河成案編

卷之九十一

首幫漕船出境

嘉慶十九年

再演員白鍾岳等四起京銅上年在宿遷守東現在

行抵邳境河成閘上下一帶前准東河臣吳璈等咨

會因銅船體質笨重行走較漕船倍遲東境閘河窄

狹漕船不能漫越前進

奏請于江境停讓漕船跟隨三進後行走欽奉

諭旨演運銅船亟資鼓鑄若行走航延京局斷難停待著

令與重運幫船相間行走等因臣等現與東河臣吳璈

等商定于首進幫船後即令白鍾岳等銅船插櫓行

走臣等已飭令該運員等現于河成閘上下一帶

河道寬濶之處暫為停讓首進漕船其餘駁運鉛船
船隻及各起木簾均令于三進幫船後跟接行走相
應附片奏

聞謹

奏嘉慶十九年三月二十日附

進四月初一日奉到

殊批另有旨欽此同日承准

軍機大臣 字寄

協辦大學士兩江總督百 署江南河道總督黎

南河成案編

卷之九十一

上諭

嘉慶十九年

嘉慶十九年三月二十五日奉

上諭據百齡等奏東境啟閘放水先挽首幫出境一摺本

年微山湖水短絀東省設法疏浚泉源並預放汶水下

注邳宿濟運真惜水如金之時舊城湖導引河塘積水

遞行入運以無用之水歸于有用亦此時調劑之一法

但無源之水亦不過得尺則尺得寸則寸恐不能大有

裨益百齡等務須與東境不分畛域彼此熟商妥辦以

期全漕無悞早達天庾勉之望之至白鍾岳等四起銅

船令于首進幫船後插櫓行走即照所奏辦理其餘駁

運船船隻若均令于三進幫船後行走未免遲滯應
令于二進幫船後插檔前進務期雨無貽誤為要將此
諭令知之欽此

南河成案續編

卷之九十一

嘉慶十九年
十一月

揚海兩道屬十六年搶辦新工動用工料銀兩

臣 黎世序 謹

奏為淮揚淮海兩道所屬各廳嘉慶十六年搶辦另案

新生各工動用工料銀兩經前河 臣 陳鳳翔勘驗核

減復經督臣所派委員勾稽確切謹覆加查核循例

繕具清單恭摺具

奏仰祈

聖鑒事竊照每年伏秋大汛各屬搶辦另案新工章程應

于霜降後通共約計銀數若干彙奏一次以憑考核

南河成案續編

卷之九十一

揚海各廳新工 嘉慶十九年
動用工料銀兩 三 嘉慶十九年
十一月

等因歷經遵循辦理在案所有嘉慶十五年冬並十

六年淮揚淮海二道所屬各廳枕伏秋汛內搶辦新

埽廂做護埽防風紮枕並束水各壩以及挑河培堤

撲護磚石並每年循照舊制接築啟閉收束各閘壩

等工俱經前河 臣 徐端 臣 陳鳳翔隨時督率道將屬

營分投相機備辦並將搶辦情形及段落地名節經

具摺

奏蒙

聖鑒抄摺各部在案查該道等所屬各廳十五年冬並十

六年桃伏秋三汛內經辦另案新工及挑河培堤等
工共二十九案先據該道等原報共銀一百八十九
萬三千零二十四兩零經前河臣陳鳳翔查量工段
共減銀十萬九千二百六十九兩零實准銀一百七
十八萬三千七百六十五兩零據准揚淮海兩道將
所做各工丈尺並用銀數目造具工料冊籍稟呈請
奏前來臣于十八年四月內准工部咨奉

諭旨飭令將應行奏報清單各大工著于奉到部文後限

四個月全行奏報未估未銷及駁查未復各案著于奉

南河成案續編卷之九十一揚海各廳新工嘉慶十九年
動用工料銀兩三十三月

交後限六個月全行造報等因欽此臣查造冊估銷及

開單具

奏各案繁多勾稽有需時日

奏請于霜降後再行起限欽奉

諭旨著交督臣百齡遴派道府丞倅誠實明練之員檢齊

冊檔逐案勾稽茲據督臣所派委員常鎮道劉澆等檢

集十五年各廳報案冊籍會同逐款勾稽與報用

核減准銷之數均屬相符臣覆加查核無異除飭

各該道分案造冊詳送次第繕疏具

題並請部查核外理合將冊築工段丈尺核准動用錢
糧確數逐例分晰繕具清單恭呈

御覽仰祈

敕部查核施行爲此繕摺具

奏伏乞

皇上睿鑒謹

奏嘉慶十九年三月二十日附驛拜

進四月初一日奉到

硃批工部知道欽此

南河成案續編卷之九十一揚海各廳新工嘉慶十九年
動用工料銀兩三十三月

籌辦漕運河防情形

臣百齡 黎世序跪

奏為籌辦江境漕運河防情形據實奏祈

聖鑒事竊臣等前次具

奏桃汛水勢工程平穩及漕船在邳宿運河行走情形

于三月二十二日欽奉

上諭此後伏秋大汛總須未雨綢繆切勿因循觀望如有

不得不需帑項之處亦當據實奏明遲早辦理不可靳

惜小費致妨大局務保萬全漕運要務本年吳墩與百

南河成案續編 卷之九十一 籌辦漕運河防 嘉慶十九年 三 月

齡黎世序和衷商辦不存此疆彼界之見大于公事有

益等因欽此 臣等跪讀循釋仰見我

皇上洞燭機先

提撕備至實深欽感惕勵伏查本年東境湖漕缺乏邳宿

運河向少來源深恐重漕阻滯洪湖受黃淮二瀆之

水恐難容納堰盱淮揚各堤上倍形喫重皆係江境

現在至緊至要之事 臣百齡由安徽查看領毫蒙宿

一帶上年被水各地方順道較閱營伍于三月二十

二日馳抵徐州閱東河 臣吳墩與 臣黎世序均在交

界一帶催挽幫船 臣即就近由韓莊查看微山湖及

東境八閘水勢情形至臺莊與吳墩等會晤查微山

湖周圍本寬一百八十里今止有二十餘里存水一

尺餘寸且在湖心勢難引使外達是以東省啟放湖

口閘所出之水不能鋪足八閘各塘自三月十八日

鋪放汶水道遠勢微閘內仍未能一律充盈不得不

遞閘下板停蓄其鋪注江境者僅有東境萬年閘以

下五閘之水而臺莊閘僅放水一日旋即嚴閉首二

兩幫船隻先以江境之水挽上匯澤閘復令帶到挽

南河成案續編 卷之九十一 籌辦漕運河防 嘉慶十九年 三 月

抵河成閘距臺莊僅五十餘里始知會臺莊啟板放

水竭力挽進一面仍將河清河定兩閘遞行下板攬

蓄得以趨入東境本年東南運河僅恃汶流遠注接

濟原不能照舊例鋪瀆兩省同辦轉運一事為東省

節水即係為南省速運何敢稍成畛域之見 臣等與

吳墩再四熟商必須酌盈劑虛通盤籌畫江境下游

尚有沙家口柳園頭等處導引之水添助濟運惟自

河成閘以上地勢建瓴非東省來水斷不能浮送自

應于臺莊各閘啟板提船之後當留慢板水下注庶

免重運停淺仍令在河成閘以下受剝套塔遞進則
剝船可以迅速輪轉而來水亦不致虛耗即或船抵
臺莊東境閘上水勢尚未蓄足亦不妨稍為停待一
俟水足再行啟板挽進則雖遲尤速兩境均屬有濟
臣等商定後恐屬汛各員仍分疆界各懷成見現已
分別飭令同心協力辦理連日首進糧船挽入東境
者截至三月二十六日共四幫計船一百零七隻挽
上漑流閘三十二幫計一千四百五十一隻臣等惟
有督率文武各員晝夜籌催不使稍遺餘力倘此後
澍雨頻澍河流增益即二三進重船亦可陸續挽行
不致有悞至洪湖水勢誠如

南河成案續編

卷之九十一

籌辦漕運河防

七嘉慶十九年

聖諭以暢出歸海為要現查河口一帶及黎黃壩以下各

處加挑引河自啟放後湖口出水比前增旺計湖水
于挑汛後至今兩旬之久僅長四寸高堰誌椿現存
水一丈三尺四寸雖係長水漸遲亦由去路漸暢之
所致礙屆大汛為日正長臣等惟有竭力籌防不敢
稍存大意所有堰圩裏揚等廳必應修築之堤埝磚
石各工均已分別趕辦如將來湖水盛漲山圩智信

兩壩及新挑仁義兩河亦即隨時啟放分洩其下河
歸海之處上年估辦工程除已經擇要辦理尚有

奏明緩辦之工現在分飭藩運兩司將商辦民辦各工
委員覆勘發銀趕緊興工勒限于大汛前一律完竣
以備運河東岸閘壩分洩之水次第東注歸海或不
致下河田畝過于淹沒再山安廳屬李工向係大汛
時分洩黃水由鹽河歸海之路嗣因河底墊高過水
恐致掣溜近年未經啟放且鹽河閘又因中河水絀
不便啟放分流是以淮北鹽運近多遲滯而左營蕩
柴亦因此艱于出運現在黃河悉係清流水面較低
不虞掣溜亦不致停淤且清水添一處消洩之路湖
水即可減一分漲滿之虞並可令鹽柴藉此轉運實
多裨益據兩淮運司轉據各商呈請啟放臣等現飭
道廳等妥速經理一切工費均係各商捐辦並不動
支庫欸毋庸報銷至黃河上游兩岸大堤

奏明擇要培築以工代賑前蒙

恩准撥兩淮運庫銀兩亦已陸續解到摺節發交各委員
趕緊興工辦竣報驗所有臣等分別籌辦漕運河防

南河成案續編

卷之九十一

籌辦漕運河防

七嘉慶十九年

情形謹繕摺具

奏伏乞

皇上睿鑒謹

奏嘉慶十九年三月二十九日拜

進四月初十日奉到

硃批另有旨欽此同日奉

軍機大臣 字寄

協辦大學士兩江總督百 三品頂戴署江南河道

總督黎 嘉慶十九年四月初三日奉

南河成案續編 卷之九十一 上諭

嘉慶十九年

上諭百齡等奏籌辦江境漕運河防一摺本年邳宿運河

水勢短絀而洪湖受淮黃二瀆之水恐難容納此二者

皆江省最要之事現在首二兩幫雖已僨入東境而在

後幫船甚多除借汶水濟運之外江境有何可以導引

之水百齡等惟當無分畛域酌盈劑虛總期于重運無

悞以收和衷共濟之效至河口係湖水去路現據稱加

挑引河之後出水較暢湖面僅長水四寸但挑引長水

有限瞬息伏秋大汛為日方長堰肝各工在在喫重不

可稍存大意其所稱修築堤工啟放各壩以及籌辦下

河歸海之路並分洩黃水各事宜惟在該督等思慮

防多方籌備總之今歲江境務保安瀾萬不可稍有疎

失百齡等當慎之又慎勉之又勉也將此諭令知之欽

此

南河成案續編 卷之九十一 上諭

嘉慶十九年

奏覆遵查應減各屬料價

臣百齡 臣黎世序跪

奏為道

有詳查江境應減各屬料價開單具

奏並會商辦料協濟睢工據實陳覆仰祈

聖鑒事本年閏二月二十七日接准軍機大臣字寄奉

上諭據黎世序奏察訪南河料價稍平除徐屬豐蕭等六

廳現在市價未賤毋庸議減其餘各廳稽柴照現行例

價酌減一成購辦等語近日南河柴稍市價稍平自應

南河成案續編 卷之九十一 奏覆遵查酌減 嘉慶十九年 各屬料價 三 三小 月

將原增例價隨時酌減以歸核實惟所奏酌減一成之

處殊未明晰著將該處料採現行例價若干應議酌減

若干詳晰查開具奏該省按所減之價發辦部中按數

核銷以杜浮冒上年豫省被旱購料昂貴將來堵築睢

工需用較多此時南河市價既平料物自屬充裕著百

齡等與吳璣札商如合計運費可以節省錢糧此時即

可多為購備以為協濟睢工之用該督等察看情形會

同妥辦等因欽此仰見我

皇上俯籌帑料

垂訓諄詳欽感無以名喻伏查南河購辦柴稍兩項均以

勦束定價每束定例三十勦各廳離產地遠近不一

例價多寡不同嘉慶十二年照原定例價

奏明加增按照勦束分別發銀令各廳購辦部中即照

數核銷歷經遵循辦理在案 臣黎世序前摺具

奏酌減一成係照各廳增加之例價分為十成酌減一

成如每銀一錢應減銀一分原擬俟奉

旨後再行查開細數清單咨部核辦茲蒙

諭旨飭令詳晰查奏謹開具清單恭呈

南河成案續編 卷之九十一 奏覆遵查酌減 嘉慶十九年 各屬料價 三 三小 月

御覽其餘屬豐北蕭南銅浦睢南邳北運河六廳原增例

價本少且距葦營道遠毋庸議減及例用江柴之揚

糧江防二廳均未列入單內仰祈

敕部查照自本年起照減定之數發辦報銷以昭核實至

購辦協濟睢工料物 臣等昨與東河 臣吳璣詳細面

商江境惟淮揚一帶料價現雖稍為平減惟距睢工

甚遠現在上游無水既不能通舟若由洪湖達淮派

流運送計程千有餘里不特湖中風色靡常每虞漂

失即淮河逆流挽運計其所費運腳倍于購價斷不

能比豫省減省應俟秋料登場之時察看豐蕭一帶
如果料價可減于豫省再為具

奏辦理謹先合詞繕摺覆

奏伏乞

皇上睿鑒謹

奏嘉慶十九年三月二十九日附驛拜

進四月初十日奉到

硃批工部知道欽此

謹將南河各屬購辦柴積

南河成案續編 卷之九十一 酌減各屬料價 嘉慶十九年 清單 三月 廿三日

奏請照現行例價酌減一成分別開具清單恭呈

御覽

柴料

山安海防海安海阜四屬現行例價每束重三十

觔銀七分六釐今酌減一成銀七釐六毫每

束發辦銀六分八釐四毫

外南外北揚河三屬現行例價每束重三十觔銀

八分八釐今酌減一成銀八釐八毫每束發

辦銀七分九釐二毫

裏河中河兩屬現行例價每束重三十觔銀九分

五釐今酌減一成銀九釐五毫每束發辦銀

八分五釐五毫

桃南桃北高堰山圩四屬現行例價每束重三十

觔銀一錢今酌減一成銀一分每束發辦銀

九分

稽料

宿南宿北兩屬現行例價每束重三十觔銀八分

七釐今酌減一成銀八釐七毫每束發辦銀

南河成案續編 卷之九十一 酌減各屬料價 嘉慶十九年 清單 三月 廿三日

七分八釐三毫

桃南桃北兩屬現行例價每束重三十觔銀九分

今酌減一成銀九釐每束發辦銀八分一釐

外南外北中河三屬現行例價每束重三十觔銀

九分三釐今酌減一成銀九釐三毫每束發

辦銀八分三釐七毫

高堰屬現行例價每束重三十觔銀九分九釐今

酌減一成銀九釐九毫每束發辦銀九分九

釐一毫

山盱廳現行例價每束重三十觔銀一錢零二分
今酌減一成銀一分零二毫每束發辦銀九
分一釐八毫

南河成案續編

卷之九十一

酌減各屬料價

嘉慶十九年
三二
三

二進清船全數渡黃日期

臣百齡 臣黎世序
臣阮元 臣陸泌 跪

奏為恭報二進清船全數渡黃日期仰祈

聖鑒事竊照本年重運幫船首進于閏二月二十三日全

數渡黃後二進幫船亦隨即償行前經

奏報在案 臣等督飭地方河漕大小員弁節節提催自

江口河口中河運道水勢通暢毫無阻滯各幫船揚

帆直上茲于四月初三日杭巖三幫船渡黃計二進

船三十二幫已全數挽進場家莊口銜尾北上隨後

南河成案續編

卷之九十一

二進清船渡黃

嘉慶十九年
四
三

三進船隻亦跟接償行查上年二進清船于三月二

十八日全行渡黃本年計遲五日即遇閏以節氣計

算計遲十餘日在後三進各幫准揚境內均可暢行

無虞阻滯邳宿運河內自河成開以下引導沙家口

舊城湖王家溝柳園頭等處水勢逐段接濟雖不能

充裕而各閘均板套塘幫船帶剝分載尚可逐漸上

行自河成開以上全賴東省啟閘板木下注江境清

定兩閘竭力鑿蓄以資浮送 臣等惟有與東省無分

畛域協力籌計以仰副

皇上屢念漕運之至意所有二進漕船全數渡黃日期謹

台詞恭摺由驛具

奏伏乞

皇上睿鑒謹

奏嘉慶十九年四月初六日由驛拜

進本月二十日奉到

硃批覽奏稍慰一切實心經理最忌因循勉之欽此

南河成案續編

卷之九十一

二進漕船渡黃
嘉慶十九年
四月

會看河口開展工程並湖河一切修防水勢

臣百齡 黎世序跪

奏為會看河口開展工程及湖河一切修防並現在水

勢情形恭摺奏

聞仰慰

聖懷事竊臣等前于邵宿運河將催挽糧船情形業經

奏明

聖鑒臣等隨即沿途查勘各關水勢並提催二進糧艘于

四月初二日由楊家莊渡河見大河溜勢東趨較前

南河成案續編

卷之九十一

河口開展工程
嘉慶十九年
四月

增暢當查湖口開展各工仰蒙

皇上屢注特派吳璣前來勘籌估辦臣黎世序前于挑工

完竣適值桃汛水長當即啟放以資減馮茲臣等親

乘小舟逐一查勘東清壩以下新挑引渠探量水勢

均深一丈一二尺至一丈四五尺不等較前已刷深

一二三尺並刷寬一二丈不等其吳城七堡順清河

等處溜勢亦極通暢局勢大覺開展旬餘以來湖水

僅長一寸高堰誌椿現存水一丈三尺五寸時屆夏

至而湖蓄轉不見增盛自係去路漸暢是以隨長隨